

Laulupidu.

Ütekõrra nakati suve kõneleme ,et varsti tule laulupidu ja me lääme kah sinnä.Laulupidu pidi oleme pühapesel päeväl.Mõni päe enne nakas emä mõskma noid rõõvid mis sis selgä pannas.,ütel et kapin saisnu ja tulep läbi mõske.Miu jaos olli illus helesinine leidike ära mõstu,es mäletigi kuna sii mul viimäte sellän olli.Pühapäe hommuku olli ilm säände hall ja pilven,esä arvas ,et vaate nüüd seda asja,vist ei saagi minna.Mia sis juusse kipelt papi manu ja palusi ,et pai papike ,nõiu et täämbe vihma ei satas,papi sis lubas vaate mis tetä saap.Mia vahtse tasakene nurga taga ,et kudas sii papi seda ilma tiib.Papi näi muduki miu ära ja üteli ,et sedäsi ei saa kennigi ilma nõiu ku latse päält vahive.

Läits küben aiga ja tulligi päe vällä ja võisime mineme hakate,esä pands mooturatta käime ja hakaski sõit Karksi lossivaremidesse.Oi jummal ,kus säääl olli iki pallu rahvast ja ütepuhku tulli neid manu,esä jäts sikkle oma tuttave mehe poole ja lätsime raasike maad jala sinnä pidupaika.Mia sis näie kus maailmatu saba olli üte kiuski man,ema kõnel ,et säääl müias jäätust,no mia muduki tahtse kah seda kangeste saia.Saisimi sis tolle ilmatu pikä saba ära,valge kitlege tädi õngits suure luskuge pikäst lekknõust sis jäätist ja pandse papptopsi sissi,ands viil puupulga kah ,et tollege saas jäätust süüä. Oh sa mu meie ,ku hää tu jäätus olli.

Kullesime sis laulmist kah ja istseme mäeveere pääl,esä tõi saia ja vorsti kah kiuskist ja lõigas taskuväitsege egäl tüki kätte.Limunaadi jõime pääle,ma ei ole elungi ninda hääd vorsti ja saia saanu kui tuukõrd. Olligu õdak kätte saanu ja aig kodu minnä.Mitu päeva mõtli viil tolle iluse laulupidu pääle kodun.